



Viva debatta davart l'energia idraulica

La strategia d'energia na cuntenta betg ils dus cussegliers dals chantuns grischuns Engler e Schmid.

2



Surselva Turissem sin tura

Surselva Turissem vul megljar la communicaziun cun ils possessurs d'abitaziuns secundaras.

3

südostschweiz

LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch



Urs Casutt ha demissionau

■ (anr/gv) Urs Casutt, dapi sis onns trenader dall'empreda da Schluein Glion, para d'esser influenzaus dalla demission da Lucien Favre. Sco il trenader svizzer tier la squadra tudestga Münchenladbach ei il trenader da success da Falera seretrats suenter treis terradas cun 15 cuntergols per immediat. Suenter duas victorias all'entschatta dalla sesiun ha l'equipa piars il fil ed il trenader seigi dil meini da buca cuntoncher pli l'equipa, scriva l'Uniuin sportiva Schluein Glion en ina communicaziun. Eros Bonolini surpren ad interim l'empreda equipa. Igl anteriur caposettagols ha gia trenau pli baul l'empreda da Schluein Glion en tiarza ligia.

Urs Casutt ha surpriu l'empreda equipa Schluein Glion avon sis onns e menau ella dalla tiarza ligia en secunda. Igl ei stau l'empreda ga ch'ina equipa sursilvana ha fatg quei pass. Ils dus davos onns ei l'equipa sedustada cun success encunter la relegaziun ed ei actualmeins cun l'empreda da Cuera la suletta squadra grischuna en quella ligia. Ella equipa da Schluein Glion gogan oravontut giugadurs indigens formai ellas retschas dalla scola da ballapei dil club.

Exposiziun d'art da textilas a Sent

(anr/bcs) D'incuort ha gnü lö aint la gallaria «art textil sent» chi's rechat aint illa chasa da la famiglia Lanter al principi dal cumün da Sent la vernissascha da l'exposiziun da textilas da l'artista Cas Holmes. Stoffas veglias e novas per part pitturadas ed elavuradas e cumbinadas cun palperi collia l'artista inglesa cun pits. Uschè naschan textilas d'art chi quintan istorgias dal passà e dal preschaint. Beatrice Lanter es gnüda a cugnuscher l'artista pro ün lavuratori in Germania e tilla ha invidada da far ün'exposiziun a Sent. Sper sia lavur sco artista es Holmes eir magistra ed ha scrit trais cudeschs.

> PAGINA 9

Servetsch d'abunents e da distribuziun: tel. 0844 226 226 mail: abo@somedia.ch



«Vuliu lantschar la discussiun»

L'iniziativa davart ina catscha etica ed adattada alla natira vegn tractada l'auter onn

DA HANS HUONDER / ANR

■ 3250 persunas han sutscret l'iniziativa davart ina catscha etica ed adattada alla natira. Cun quella vulan ils iniziants oravontut lantschar la discussiun davart la catscha el cantun Grischun. «Differents puncts dalla catscha actuala ein buca pli cumpatibels cul temp dad oz. Per quei motiv havein nus lantschau l'iniziativa ed aschia era la discussiun davart la catscha», di Marcus Duff da Trin-Mulin. El ei coniniziant e s'engascha en favur dalla protecciun dils animals. L'iniziativa cuntegn nov puncts che duein vegnir currigi enteifer las directivas pil menaschi da catscha, denter auter la protecciun da vaccas tscharva e cauras cavriel lactontas e lur pigns ni era il schurmetg cumplein dils utschals. Plinavon prenda l'iniziativa in scamond dalla catscha per tut ils animals selvadis naven digl'emprems da november ed il diever da muniziun cum plum. L'iniziativa ei vegnida examinada d'in giurist e quel vegn alla conclusiun ch'ella cunterfa en negins puncts al dretg



Tenor l'iniziativa duein animals feminins lactonts e lur pigns vegnir protegi generalmein.

FOTO E. MONN

vertent, essend che l'iniziativa animescha las autoritads da far midadas enteifer la lescha da catscha. Tenor il giurist Michael W. Kneller che ha dil reminent era

giu fatg il pareri giuridic per l'iniziativa concernent il scamond dalla catscha d'atun presentan ils iniziants buc in text da revisiun per la lescha. L'iniziativa vegn en

tractaziun dil cussegl grond probablamein igl october da l'auter onn.

> PAGINA 3

Cun ledscha turistica unifichada

■ (anr/fa) L'Engiadina Bassa e la Val Müstair lessan simplifichar il sectur da las taxas turisticas. Las suprastanzas cumünalas han incumbenzà als cumembers d'üna gruppa da lavur da far üna proposta in chosa. «Actualmaing es la situaziun uschea cha'ls singuls cumüns Valsot, Scuol, Zernez e'l Cumün da Val Müstair pretendan differentas taxas per pernottaziun ed eir uschigliö daja differenzas i'l sectur dal turissem», manzuna Men-Duri Ellemunter, vicecapo da Scuol e president da la cumischium turistica cumünala. Perquai han las suprastanzas cumünalas da quists cumüns decis d'incuort da stipular üna nova ledscha turistica cumünala. «Il princip da la ledscha es d'inchaschar las taxas sün basa



L'Engadina Bassa e la Val Müstair dessan survgnir üna nova ledscha turistica.

FOTO D. TAUBER

da la sporta, quants lets stan a disposiziun?, e na plü be tenor las frequenzas, las pernottaziuns.» Da la gruppa da lavur chi prepara fin da

prümavaira 2016 üna proposta per quista ledscha cumünala fan part Godi Hobenegger, Georg Luzzi, Fabian Schorta, Michel Täisch

ed Urs Wohler. Els han il sustegn eir d'exponents da la politica.

> PAGINA 9

Portal gratuit per reservar chombras

■ (anr/vi) La hotellaria e parahotellaria svizra duainsurvegnir in portal online gratuit per reservaziuns. Quai pretenda cussegliera naziunala Silva Semadeni (ps/GR) en in postulat ch'ella inoltescha oz.

La finamira dal postulat èsi da promover la hotellaria e parahotellaria. Il cussegl federal duai examinar la pussaivladad d'installar in portal gratuit per reservar stanzas d'hotel u abitaziuns da vacanzas. Semadeni propona che Svizra Turissem realiseschia in tal portal en collavuraziun cun la bransch.

Giasts che vegnian intermediads antras portals commercialisajan clients che custian blier, scriva la politichera grischuna en in postulat. «La scola auta per economia e turissem en il Vallais schazegia che mintga hotel svizzer paja in media cummissiuns da 30'000 francs per firmas da reservaziun online.»

L'exempel da Zermatt mussia ch'in agen portal da reservaziun portia respargns considerabels per l'industria d'alloschis. Novas tecnologias per tschertgar stanzas possian reunir las infurmaziuns da differents portals e mussar al giast las stanzas libras ed ils pretchs d'hotels e d'abitaziuns en tuttas destinaziuns.

In portal da reservaziun gratuit e senza cummissiuns muntia ina promozion concreta da la bransch turistica che haja da patir pervi dal ferm franc svizzer.

Distincziun per Renzo Caduff

■ (rtt) Il linguist e docent da rumantsch, Renzo Caduff, vegn onurà cun il premi dal Migros Kulturprozent, quai per sia ediziun cumpletta da las poesias dad Alfons Tuor. Il premi è dotà cun 20'000 francs. Cun ils premis da promozion, che vegnan surdads per la prima giada, sustegna la Migros edituras ed editurs da collecziuns custavlas da texts, correspondenzas u er relaschs.

Ulteriurs 20'000 francs survegnan Christa Baumberger e Nicola Behrmann per lur lavur vi dal cudesch «Emmy Hennings Dada».

RECLAMA

BITTE LÄCHELN: SCHLAFKATION BEI DELTA!

JETZT 15%* + 15% WÄHRUNGS-AUSGLEICH**

AUF SCHLAFZIMMER, BETTINHALTE UND DUVETS

DAS BESTE FÜR SIE SEIT 44 JAHREN
A13 Ausfahrt Haag, 9469 Haag
www.delta-moebel.ch

* Aktion gültig bis 24. Oktober 2015. Ausgenommen einige Marken wie z.B. Joop, Musterring, Riposa und Bico sowie Top- und Nettoangebote. Nicht mit anderen Aktionen kumulierbar.
** Auf alle Neubestellungen auf das gesamte Sortiment aus dem Euro-Raum. Ausgenommen bereits angepasste Importartikel.

delta MÖBEL KÜCHEN HAUSHALT